



Broj: 04-1059-2/20
Datum: 28.07.2020.godine

Na osnovu člana 44. tačka 3. Zakona o zapošljavanju i pravima za vrijeme nezaposlenosti („Službeni glasnik Brčko distrikta BiH“ br.33/04, 19/07 i 25/08) i člana 39 stav (1) tačka f) Statuta Zavoda za zapošljavanje Brčko distrikta BiH-prečišćeni tekst (broj:04-111/20), Upravni odbor Zavoda za zapošljavanje na svojoj Tridesetprvoj redovnoj sjednici održanoj dana 27.07. 2020. godine, **donosi**

PRAVILNIK
o izmjenama i dopunama Pravilnika o zapošljavanju

Član 1

U Pravilniku o zapošljavanju (br.04-570/16 i 04-450/17) član 23. mijenja se i sada glasi:

„Član 23.

(Kriterijumi za ocjenjivanje ostalih elemenata intervjua)

(1) Ocjenjivanje ostalih elemenata vrši se u skladu sa kriterijumima navedenim u tabeli:

Red. broj	Naziv elementa	Kriterijumi za ocjene
1.	Dužina čekanja na Zavodu za zapošljavanje	- za svaku navršenu godinu 0,2 boda, maksimalno 2 boda;
2.	Radno iskustvo u struci	— radio na poslovima u struci pet (5) ili više godina– 2 boda; — radio na poslovima u struci od šest (6) mjeseci do pet (5) godina– 1 bod; — nema radno iskustvo u struci – 0 bodova;
3.	Predznanje o javnoj upravi ili institucijama	— izuzetno dobro obaviješten o javnoj upravi ili instituciji – 2 boda; — dobro ili ograničeno obaviješten o javnoj upravi ili instituciji – 1 bod; — posjeduje veoma ograničeno minimalno ili nikakvo predznanje o javnoj upravi ili instituciji – 0 bodova;
4.	Dodatne edukacije (spremnost za aktivno učenje), preporuke	— kursevi, seminari, projekti i preporuke koje se odnose na istu ili sličnu vrstu i opis posla radnog mjesta– 2 boda; — kursevi, seminari, projekti i preporuke iz oblasti struke– 1 bod; — nema kurseva, seminara, učešća u projektima ili nema preporuka – 0 bodova;





5.	Sposobnost iznalaženja rješenja	– veoma inventivan, posjeduje originalnost u pristupu, oslanja se na iskustvo i nudi konkretne i validne primjere – 2 boda; – nudi konvencionalna, šablonska rješenja – 1 bod; – nudi ograničena rješenja, zbunjen ili bez ideja – 0 bodova;
6.	Vještina komunikacije i samopouzdanje	– veoma elokventan, pažljiv slušalac, visoko izraženo samopouzdanje (koncizno izlaganje, veoma određen u odgovorima) – 2 boda; – elokventan, ali opširan, povremeni problemi sa izražavanjem, posjeduje određenu vjeru u sebe, ali je na momente sklon improvizovanim odgovorima ili gubi samopouzdanje kada nema pripremljen odgovor – 1 bod; – neuvjerljiv, nesposoban da izrazi svoje misli, vidljiv nedostatak samopouzdanja, neodlučan, preplašen – 0 bodova;
7.	Potencijal za razvoj	– odlične predispozicije za razvoj karijere (akademska zvanja, ispiti profesionalne nadogradnje ili radno iskustvo u struci) i naglašena spremnost za profesionalno nadograđivanje – 2 boda; – solidne predispozicije, ali nema izraženih ambicija, što može biti plod skromnosti kandidata – 1 bod; – bez nekog naročitog potencijala za razvoj, smatra da dovoljno zna, neambiciozan ili prepotentan – 0 bodova;
8.	Analitička sposobnost	– veoma analitičan u odgovorima, jednostavni i precizni odgovori – 2 boda; – relativno dobra analitičnost i sposoban da ukaže na osnovne značajke problema – 1 bod; – preopširan, bez jasnog fokusa na srž problema, odnosno nesposoban da sagleda problem – 0 bodova;
9.	Fleksibilnost, odnosno prihvatanje drugačijeg mišljenja	– veoma fleksibilan, otvoren za drugačija mišljenja – 2 boda; – fleksibilan, odnosno ne protivi se drugačijem mišljenju i ne pokazuje rigidnost u stavovima – 1 bod; – posjeduje ograničenu fleksibilnost, ali i znake egocentričnosti – 0 bodova;
10.	Motivisanost	– izuzetno motivisan i iznosi nove ideje i inicijative – 2 boda; – vidljivo motivisan, zadovoljan zbog prilike koja mu se pruža – 1 bod; – ne ostavlja utisak motivisanosti za posao ili je indiferentan, bez iskazanog entuzijazma prema poslu – 0 bodova;

(2) Kandidati koji se pozovu na usmeni intervju biće obaviješteni o obavezi dostavljanja dokaza radi utvrđivanja broja bodova po prvom, drugom i četvrtom kriterijumu navedenom u tabeli iz stava (1) ovog člana.

(3) Izbor i određivanje broja kriterijuma, odnosno elemenata iz stava (1) ovog člana Komisija konstatuje u zapisniku.





Član 2.

U članu 24. stavovi (1) i (2) mijenjaju se i sada glase:

„(1) Tokom postupka intervjuisanja kandidata broju bodova koji osvoji jedan kandidat dodaju se dodatni bodovi u slučaju:

- a) prava propisanih Zakonom o dopunskim pravima porodica poginulih boraca i ratnih vojnih invalida, tri boda;
- b) da su članovi zajedničkog domaćinstva nezaposlena ili penzionisana lica, dva boda;
- c) da je kandidat samohrani roditelj, dva boda.

(2) Kao dokaz prava na sticanje dodatnih bodova iz stava (1) ovog člana koristi se:

- a) uvjerenje nadležnog organa o statusu stečenom po osnovu Zakonom o dopunskim pravima porodica poginulih boraca i ratnih vojnih invalida, a koje ne može biti starije od šest mjeseci;
- b) kućna lista i potvrda Zavoda ili potvrda nadležnog fonda za penzijsko i invalidsko osiguranje;
- c) uvjerenje nadležnog centra za socijalni rad o statusu samohranog roditelja ili ovjerena kopija pravosnažne sudske presude o razvodu braka kojom se dijete povjerava na vaspitanje, brigu i čuvanje jednom roditelju“.

Iza stava (2) dodaje se novi stav (3) koji glasi:

„(3) Dodatni bodovi iz stava (1) ovog člana mogu se ostvariti po više osnova.

Dosadašnji stav (3) postaje stav (4).

Član 3.

U članu 27. stav (5) ispred riječi: „član“ dodaje se riječ: „svaki“.

Član 4.

U članu 29 dodaje se novi stav (2) koji glasi:

„(2) Individualni obrasci za procjenu kandidata (ANEKS VIII) su tajni podaci i uvid u njih može ostvariti Upravni odbor Zavoda, upravni inspektor, sud i drugi organi nadležni za sprovođenje zakonitosti postupka“

Član 5.

U članu 31. riječ: „utvrđuje“ zamjenjuje se riječju: „potvrđuje“.

Član 6.





U članu 34. stav (1) mijenja se i glasi:

„(1) Kao dokaz radnog iskustva u struci može se koristiti:

- a) uvjerenje, potvrda ili drugi dokument o dužini radnog iskustva u struci, ovjeren od strane poslodavca, zajedno sa ovjerenom kopijom radne knjižice;
- b) potvrda nadležnog penzijskog osiguranja ili drugog nadležnog organa;
- c) potvrda poslodavca o obavljanju volonterskog rada i ovjerena kopija ugovora o obavljanju volonterskog rada“

Član 7.

U nazivu člana 35 riječi: „putem praktičnog rada“ se brišu.

U istom članu, u stavovima (1), (2) i (3) iza riječi: „praktičan rad“ dodaju se riječi: „ili testiranje“.

U stavu (2) istog člana, u tački a), iza riječi:

„uvjerenje fakulteta“ i riječi: „ispravu fakulteta“ dodaju se riječi: „škole ili drugih organa koji se bave obučavanjem stranih jezika“.

Član 8.

Ovaj Pravilnik stupa na snagu prvog sljedećeg dana od dana objavljivanja na oglasnoj tabli i web stranici Zavoda.



ZAMJENIK PREDSEDNIKA UPRAVNOG ODBORA,

(Bojan Tomić, dipl.oec)

